



Number completo: Jonathan Bryan Thiel, alias Biggy Boy

Edad: 16 año

Skol: EPB - Hato

Klas: 3e jaar

Cuminda preferi: Spaghetti

Genero di musica preferi: Musica Urbano

Deporte/Hobby: Futbol

Na di edad bo a cuminsa den e mundo di farandula?


Cu 8 año.

Riba ki area?

Canta.

Bo ta basta activo den faradula, den kico asina bo a yega di participa y kico tabata e resultado?

Canta den festival na Club Trappers, organisa pa estrella y mi a sali ganador. Tumberito 2001, sali di 5 lugar, na 2002 tambe 5 lugar. Tambe den Festival Himno y Bandera 2003, 5 lugar y despues na 2005 di 4 lugar y 2006 na di 3 lugar. Riba 11 di maart 2006 durante Festival "Un Canto pa Aruba su Himno" y bandera mi a ser homenagia cu dedicacion di e Festival. Durante festival di dandee 2004 mi a sali na di dos lugar. Na Hulanda tambe mi a participa den dandee. Na Boneiro 2006 mi a canta y sali di dos lugar. Mi a participa den un grupo di Ethleen Figaroa cu musica tipico, mi a toca conga. Mi promer año den gaita mi a participa den Gaita Ritmo y Mas, den cual mi a toca tambora, MC y Rap. Despues mi a bay toca den Gaita Sensacionales como pianista. E tempo ey mi a canta "Gaiton" cu composicion di Robert Maduro y mi persona. E año cu a pasa mi a toca piano den Katatumbo y mi a canta "Atami atrobe". Y e año aki mi a logra gana Calypso y Roadmarch Hubenil. Cu cancion di Janiro Eisdén, kende a yamami riba 2 di januari y bisami cu tin un cantica ful cla pami.



BIGGY BOY

Pan Cayente



Con bo a sinti na momento cu bo a resulta ganador absoluto di Calypso/Roadmarch Hubenil?

Calypso mi tabata unico participante y roadmarch mi no a spera. Tabata un sorpresa ora mi a tende mi cantica y mi core di alegria. Mi tabata hopi contento.

Bo tin plannan pa saca produccion pa e aña aki?

Mi tin plan. Janiro lo yudami den 2007 pa saca canticanan nobo di rap.

Cua ta bo plannan riba tereno di estudio, y profesion?

Mi ta desea di bira un artista, studia na Hulanda of Merca den musica y produccion. Mi tin un mini studio na mi cas caminda mi ta graba y traha musica cu diferente programa.

Bo tin un idolo?

Semper mi a gusta Basic One y nan cantica "Tempo mi ta Chikito", Janiro y Kurt ta mi idolonan, nunca mi a pensa di lo tope y canta su canticanan.

Bo lo participa otro aña?

Si, esey ta mi intencion. Janiro lo yudami, mi tata a duna permiso pa esey.



Den futuro lo bo kier participa den e grandinan den e mundo di Calypso/Roadmarch?

Si, mi ta kere cu si!

Bo tin deseonan special pa futuro?

Deseo ta bira un artista tanto local como internacional.

Bo tin un mensahe pa e hubentud?

Wel, mi mensahe ta no usa droga ni alcohol y haci algo sano deporte of musica.

Informacion adicional:

Tempo mi a lanta mi tata y omonan tabata den musica. Mi no apensa di bay den musica, semper mi a hunga futbol pa Caiquetio, Estrella, despues Atlantico y finalmente Britannia.

